

peditionis *Virgilius* a) *Justinus* b) & *Quintus Smyrnaeus*, c) meminit. Maxime vero Græcorum literis celebrata illa in Atticam ab iis suscepta, occasione Antiopes à Theseo abductæ, quæ quantæ molis fuerit *Plutarchus* in Theseo testatur d). Nec obscurum profecto Amazonicæ virtutis testimonium lex est, qua ex Zarinæ, Amazonum Reginæ, arbitrio sancitum erat: ut nulla prius Amazonum cum viro consvesceret, quam trium manu sua cæsorum hostium capita ostentaverat. Haussit forte, ut opinamur, Vir dubium an ingenio an eruditione major, *Illustr. Dn. à Lobenstein* e) legem istam ex *Hippocratis* Libro f) ubi: τῶν πῶν, inquit, αἰ γυναικες ἰπῶ αζομεναι τε καὶ τοξοῦσαι, καὶ ἀκοντίζουσαι διὰ τῶν ἰπῶν, καὶ μάχουσαι τοῖς πολεμίοις, ἕως ἂν παρθένοι ἔωσιν. ὅσα δὲ παρθένοι ἔωσιν, μετρίαι δὲ τῶν πολεμίων τρεῖς διὰ τῶν ἰπῶν, καὶ ἕως τε ἔργον ξυνοικέουσιν ἢ πρὸς τὰ ἰπῶν θύωσι τὰ ἐν τῷ νόμῳ. ἢ δ' ἂν ἄνδρα ἕως τῆ ἀρετῆς πείσεται ἰπῶ αζομενῆ, ἕως ἂν μὴ ἀνάγκη καταλάβῃ παγκόμια στρατείας. τὸν δεξιὸν δὲ μαζὸν ἔχει &c. i. e. Horum (Sautomatarum, qui Amazonum Imperio suberant) femine equitant quidem, arcu sagittas excutiunt, jacula ab equis torquent, cumq; hostibus, dum virgines sunt, certamen ineunt. Non devirgantur autem prius, quam ex hostibus tres confecerint; neq; aliter viris junguntur, quam sacra more patrio fecerint. Quæ autem virum sibi sociavit, equitationis & militiæ vacationem habet, quamdiu quidem communis expeditionis necessitas non cogit. Carent autem dextra mamma &c.

§. III. Neque alia Heroinarum Sagatarum, quas vel arma vel sceptrum illustres reddidere, exempla in veterum atque recentiorum Auctorum scriptis deesse vidimus. Sic feminas Germanorum antiquitus aciebus & pugnis adsuetas, in easque viros patrio more comitatas fuisse *Tacitus* g) Auctor est. Et licet *Freinshemius* h) de Romanorum feminis se nullibi legisse asserat, inter viros eas prælio se miscuisse: Vel sola tamen Sabinarum, Veturiæ, Volumniæ, Virginiae, & Clæliæ apud *Livium* i) exempla luculenta Heroicæ Romanarum virtutis nobis testimonia esse poterunt. Non absimilis Amazonum priscarum Reipublicæ

a) L. I. *Æneid.* b) L. II. c) L. III. d) vid. P. Petit. l. c. p. 192. seqq. e) *Armin.* T. I. L. V. p. 525. f) L. de aer. Text. 42. n. 23. g) *Germ.* C. VII. h) in Not. ad *Flor.* L. III. III. 16. i) L. I. 13. L. II. 40. L. X. 23.